

四庫全書

經部

欽定四庫全書

呂氏家塾讀詩記卷十三

宋 呂祖謙 撰

陳

鄭氏詩譜曰陳者大皞處犧氏之墟帝舜之胄有虞
閔父者為周武王陶正武王賴其利器用與其神明

之後封其子媯滿於陳

孔氏曰左傳史趙云胡公不
淫故周賜之姓使祀虞帝則

胡公姓媯都於宛丘之側是曰陳胡公以備三恪
武王所賜

曰鄭駁異義云三恪尊於諸侯早於二王之後樂記云武王未及下車封黃帝之後於薊封帝堯之後於祝封帝舜之後於陳下車乃封夏后氏之後於杞投殷之後於宋則明陳與薊祝共為三恪妻以

元女大姬其封域在禹貢豫州之東其地廣平無名

山大澤西望外方東不及明猪

孔氏曰明猪尚書作盟猪即爾雅宋有孟

也諸是大姬無子好巫覡禱祈鬼神歌舞之樂民俗化

而為之五世至幽公當厲王時政衰大夫淫荒所為無度國人傷而刺之陳之變風作矣 蘓氏曰陳之變風其原出於大姬蓋列國之風皆有所自起方周

之盛時王澤充塞其善者篤於善不善者以禮自將
亦不至於惡其後周德既衰諸侯各因其舊俗而增
之善者因善以入於惡而不善者日以益甚故晉以
堯之遺風為儉不中禮陳以大姬之餘俗為遊蕩無
度亦理勢然也

宛丘刺幽公也淫荒昏亂遊蕩無度焉

孔氏曰幽公寧
慎公子當厲王

時

子之湯

他郎反

兮宛丘之上兮洵

音荀

有情兮而無望兮

李氏曰子稱幽公也 毛氏曰湯湯也四方高中央

下曰宛丘

孔氏曰李巡孫炎注爾雅皆云中央下惟郭璞曰宛丘謂中央隆峻狀

朱

氏曰言此人遊蕩於宛丘之上信有情思而可樂矣

然無威儀可瞻望也

湯雖訓蕩與徑斥為淫蕩者辭氣緩急猶不同洵

有情兮而無望兮從容不迫而諷切之者深矣

坎

苦感反

其擊鼓宛丘之下無冬無夏值

直置反

其鷺羽

毛氏曰坎坎鼓聲 朱氏曰值遇也 爾雅曰鷺春

鉏

陸璣云齊魯謂之春鉏遼東樂浪謂之白鷺青脚頭上有長毛十數枚

毛氏曰鷺

鳥之羽可以為翳

鄭氏曰翳舞者所持以指麾孔氏曰持鷺羽翳身而舞

朱

氏曰言無時不遇其出遊而舞於是也

范氏曰冬夏祁寒大暑之

時也人之好樂於是時必少息焉今也無冬無夏則其他時可知矣

坎其擊缶

方有反

宛丘之道無冬無夏值其鷺翳

音導

毛氏曰盍

鳥浪反

謂之缶

孔氏曰離九三鼓缶而歌是樂器坎六四樽酒簋贰用缶

注云大臣以王命出會諸侯主國尊於簋副設玄酒以缶則又是酒器左傳襄公九年宋灾具纆缶則又是汲水之器然則缶可以節樂若今擊翳又可以盛水盛酒即今之瓦盆也

翳翳也

爾

雅翻作轟

宛丘三章章四句

東門之粉

符云反

疾亂也幽公淫荒風化之所行男女棄

其舊業亟

欺與反

會於道路歌舞於市井爾

孔氏曰應劭云古者二十

畝為一井因為市交易漢書食貨志一井八家家有私田百畝公田十畝餘二十畝以為井竈廬舍據其交易之處在廬舍故言二十畝爾

東門之粉宛丘之栩

況浦反

子仲之子婆娑

素何反

其下

毛氏曰粉白榆也栩杼也

解見山有樞鵠羽

東門宛丘國之

交會男女之所聚子仲陳大夫氏 張氏曰婆婆不

必是舞但徘徊翱翔之義士大夫之子不得過市今

也遨遊於市井中

毛氏曰婆
娑舞也

穀旦于差

初佳
反

南方之原不績其麻市也婆婆

毛氏曰穀善也

鄭氏曰差擇也績麻者婦人之事

也 范氏曰市所以易貨聚民而婦人廢其紡績於

此乎婆婆

歐陽氏曰子仲之子常婆婆於國中樹

下以相誘說因道其相誘之語曰當以善旦期於國

南之原野下章又述其相約以往

范氏曰先王慈夫飽食而逸居是故

君子勤禮小人盡力所以愛日也今也民於善日則擇高明之地而荒樂焉

釋文曰差

韓詩作嗟

董氏曰說文引詩作市也嬖娑嬖古文

作婆字

穀旦于逝越以駸

子公反

邁視爾如蔽

祁饒反

貽我握椒

毛氏曰逝往也

鄭氏曰越於駸摠也

毛氏曰邁

行也蔽芾

音毗

芾

音浮

陸璣云芾芾一名荊葵似蕪菁華紫綠色可食微苦

孔

氏曰男女摠集而行往所會之處 鄭氏曰男女交

會而相說曰我視女之顏色美如芘菜之華然女乃

遺我一握之椒交情好也

孔氏曰椒之實芬香故以相遺

東門之枌三章章四句

衡門誘

音西

僖公也愿

音願

而無立志故作是詩以誘掖其

君也

孔氏曰僖公孝幽公子公其性不恣放可以勉進於善而惜其懦而無自

立之志故作是詩以誘進之董氏曰掖石經作亦

衡門之下可以棲

音西

遲泌

悲位反

之洋洋可以樂

音洛

飢

毛氏曰衡門橫木為門言淺陋也

孔氏曰衡古文橫字故知衡門橫木

為門門之深者有阿塾堂宇棲遲遊息也泌泉水也此唯橫木為之言其淺也

朱氏曰洋洋水安流廣長之貌 歐陽氏曰衡門

雖淺陋亦可以遊息於其下泌水洋洋然閱之而樂

則亦可以忘飢言陳國雖小苟有意於立事則亦可

以有為 釋文曰樂舊作樂晚詩本有作樂

豈其食魚必河之魴音房豈其取音娶妻必齊之姜

山陰陸氏曰里語曰洛鯉河魴貴於牛羊則魴鯉乃

魚之美者 鄭氏曰齊姜姓 歐陽氏曰其首章既

言雖小國亦有可為其二章三章則又言何必大國
然後可為譬如食魚者凡魚皆可食若必待魴鯉則
不食魚矣譬如取妻諸姓之女皆可取若待齊宋之
族則不取矣是首章之意言小國皆可為而二章三
章言大國不可待而得

蘇氏曰食魚必魴鯉取妻必
姜子則終身有不獲者矣故

從其所有而為之及其至也雖天下之美無加焉不
然雖有天下之至美而常挾不足之心以待之則終

亦不為
而已

豈其食魚必河之鯉豈其取妻必宋之子

鄭氏曰宋子姓

衡門三章章四句

東門之池刺時也疾其君之淫昏而思賢女以配君子也

永嘉鄭氏曰觀齊雞鳴之詩其相警戒之言則閨門之奧笑歌晤言固足以浸漬其君之心而革其惡此東門之詩所以思賢女也

李氏曰自古人君修身謹行而無流連荒亡之禍者

非特有忠臣義士亦由賢妃正女夙夜警戒以成其德周宣王之姜后齊桓公之衛姬楚莊王之樊妃是

也。不獨人君為然。吳許升少為博徒妻。呂榮躬勤家業。以奉養其姑。數勸升修學。升每為不義。輒流涕道。規榮父疾。升乃呼榮欲改嫁之。榮歎曰。命之所遭。義無離貳。終不肯歸。升感激自厲。乃尋師遠學。遂以成名。賢女之助如此。

東門之池可以漚

烏丘反

麻彼美淑姬可與晤

五故反

歌

毛氏曰池城池也漚柔也

鄭氏曰於池中以緝績

孔氏曰謂漸漬

使之柔忍也

董氏曰周姬姓陳因元女以封故詩人猶

言淑姬孔氏以姬姜為婦人美稱於書無所攷鄭

氏曰晤猶對也言淑姬宜與對歌相切化也

孔氏曰古以晤

為遇釋言云遇偶也亦為對偶之義

蘇氏曰陳君荒淫無度不可告

語故其君子思得淑女以化之於內婦人之於君子
日夜處而無間庶可以漸革其暴如池之漚麻漸漬
而不自知也

東門之池可以漚紵

直呂反

彼美淑姬可與晤語

陸璣艸木疏曰紵亦麻也宿根在地中至春自生不

歲種

范氏曰紵以當暑

東門之池可以漚菅

古顏反

彼美淑姬可與晤言

孔氏曰菅茅屬柔忍宜為索漚乃尤善菅者已漚之

名未漚則但名為茅也

范氏曰菅以為屨

東門之池三章章四句

東門之楊刺時也昏姻失時男女多違親迎

魚敬反

女猶

有不至者也

東門之楊其葉牂牂

子桑反

昏以為期明星煌煌

音皇

毛氏曰興也牂牂然盛貌鄭氏曰親迎之禮以昏

時朱氏曰明星啟明也煌煌大明貌東門蓋此人

親迎之所以其所見起興曰東門之楊則其葉牂牂
矣昏以為期而明星煌煌矣 毛氏曰昏以為期明
星煌煌期而不至也

東門之楊其葉肺肺

普貝反

昏以為期明星晳晳

之世反

毛氏曰肺肺猶牂牂也晳晳猶煌煌也

東門之楊二章章四句

墓門刺陳佗也陳佗無良師傅以至於不義惡加於萬

民焉

朱氏曰陳佗文公子桓公鮑之弟也桓公疾病佗殺其太子免而代之桓公卒而佗立明年為蔡人

所殺此詩刺佗而追咎先君不能為佗置良師傅以至於此也

陳氏曰此詩雖以刺佗乃是耆舊之賢者備見始末追咎先君不能為佗置良師傅致有弑逆之事也

墓門有棘斧以斯之夫也不良國人知之知而不已誰昔然矣

毛氏曰興也墓門墓道之門斯析也幽閒音閑希行生

此棘薪維斧可以開析之 蘓氏曰夫陳佗也 程

氏曰人情不修治則邪惡生猶道路不修治則荆棘

生故以興焉墓門有荆棘則當以斧斤開析之佗才不善宜得賢師良傳以道義輔正之今夫也不良衆皆知之而不去自昔誰如是乎此追咎自佗幼小不擇師傳致成其惡誰昔然矣猶云從來誰如是乎

蘇氏

曰知而不之去昔誰為此乎蓋歸各桓公也爾雅曰誰昔昔也

墓門有梅有鵲

戶驕反

萃

祖醉反

止夫也不良歌以訊之訊

予不顧顛倒思予

毛氏曰鵲惡聲之鳥也

孔氏曰鵲一名梟一名鵲俗說以為鵲印云為梟為鵲俗說以為鵲

即土鴉非也
綠色入人家凶賈誼所賦鵬鳥是也

陸璣疏云鴉大如班鳩

萃集也訊告

也

釋文云韓詩云訊諫也

程氏曰前章言有棘言佗之不善

後章言有梅深咎輔導之使然梅美木雖美木生墓
門荆棘荒蕪之處則惡鳥萃矣雖有良心善性與不
善人處則惡歸矣 朱氏曰夫也不良則有歌其惡
以訊之者矣訊之而不予顧至於顛倒然後思予則
豈有所及哉亦追咎之辭也

墓門幽深之地興其惡也墟墓之間荆棘最難去

非用斧不足以除之佗之惡大矣非嚴師傅痛楮擊之亦莫能去其惡也墓門有梅有鵲萃止言佗之性質本非惡為師傅所累也左傳載佗勸陳侯許鄭平親仁善鄰之言中於事理蓋非昏愚者陳侯不許卒見侵伐既而徐思佗言復與鄭和遣佗往鄭泝盟佗與鄭伯盟款如忘洩伯料其必不免攷其歲月纔數年爾而盛惑變壞如是此詩人之所傷也

墓門二章章六句

防有鵲巢憂讒賊也宣公多信讒君子憂懼焉

孔氏曰宣公杵

白莊公弟

防有鵲巢邛

其恭反

有旨茗

徒彫反

誰侮

陟留反

予美心焉忉

忉

都勞反

毛氏曰興也防邑也邛丘也

後漢地理志陳縣注博物記曰邛地在縣北防

亭在焉

孔氏曰鵲畏人而近人非邑有樹木則鵲不

巢鄭氏曰旨美也

長樂劉氏曰旨者地荒則艸美茂也

毛氏曰茗

艸也

孔氏曰苕之華傳云苕陵苕此直云苕艸彼陵苕好生下濕此則生於丘與彼異也陸璣疏云

苕苕饒也蔓生苕如勞豆而細葉似蒺藜而青其莖葉可生食如小豆藿也

俯張誑也

朱氏

曰俯張欺誑也

朱氏曰忉忉憂勞之貌

歐陽氏曰讒言

惑人非一言一日之致必由積累而成如防之有鵲

巢漸積構成之爾又如苕饒蔓引牽連將及我也

程氏

曰相茂林之蔽翳則鵲巢之興人心有蔽昏則讒誑者至丘言平廣之地則有美艸興人心高明平夷則

朱善

程氏曰俯謂譁張迂迴誣罔人者必迂曲以

致其惡予美心所賢者憂讒誣賢善也

中唐有甍

蒲歷反

卽有旨鷗

五歷反

誰侑子美心焉惕惕

吐歷

反

毛氏曰中中庭也唐堂塗也

孔氏曰堂下至門之徑也

甍令

譽零反

適

都歷反

也

爾雅曰甍甍謂之甍郭璞曰甍甍也甍音令甍音適甍力解反甍艸訟反

鷗

綬艸也

陸璣疏曰鷗五色綬文故曰綬艸

程氏曰惕惕懼也

歐

陽氏曰中唐有甍非一甍也亦以積累而成綬艸雜

衆色以成文猶多言交織以成惑義與貝錦同董

氏曰鷗舊作鷗說文引詩亦為鷗

防有鵲巢二章章四句

月出刺好

呼報反

色也在位不好德而說

音悅

美色焉

王氏曰詩

所言者說美色而已然故知其不好德者子夏曰賢易色蓋說色如此喪其志矣未有能好德者也

月出皎兮佼

古卯反

人僚

音了

兮舒窈

鳥了反

糾

其趙反

兮勞心

悄

七小反

兮

毛氏曰興也皎月光也

孔氏曰佼好之人

朱氏

曰窈幽遠也糾愁結也

毛氏曰悄憂也

王氏曰悄言不說而

照靜

朱氏曰當月出之時而思佼人之好欲一見之

以舒窈糾之情而不可得是以為之勞心悄然也

毛氏

曰舒遲也窈糾舒之姿

釋文皎作皦曰本又作皎

月出皓

胡老反

兮佼人憫

力久反

兮舒慢

於久反

受兮勞心慄

七老反兮

董氏曰皓月光

蘓氏曰憫好也

朱氏曰慢受憂

思也

蘓氏曰慢受舒之姿也

王氏曰慄言不安而騷動

釋

文憫作劉曰本又作憫

月出照兮佼人燎

力召反

兮舒夭

於表反

紹兮勞心慘

七威反

兮

董氏曰照月光之被物 蘓氏曰燎明也

董氏曰燎則其光與

並月

朱氏曰天紹糾縈之意 王氏曰慘言不舒而

幽愁

此詩用字聳牙意者其方言歟

月出三章章四句

株

陟朱反

林刺靈公也淫乎夏

戶雅反

姬驅馳而往朝夕不

休息焉

鄭氏曰夏姬陳大夫妻夏微舒之母鄭女也微舒字子南夫字御叔 孔氏曰靈公平國其公

子楚語云昔陳御叔娶於鄭穆公女生子南子南之母
亂陳而亡之宣九年陳夏徵舒殺其君平國傳曰陳靈
公與孔寧儀行父飲酒於夏氏公謂行父曰徵舒
似汝對曰亦似君徵舒病之公出自廐射而殺之

胡為乎株林從夏南匪適株林從夏南

毛氏曰株林夏氏邑也夏南夏徵舒也

孔氏曰徵舒以氏配字謂

之夏南楚殺徵舒左傳謂之戮夏南實從夏南之母
言從夏南者婦人夫死從子夏南為其家主故以夏
南言之

駕我乘

繩證反

馬說

音稅

于株野乘我乘駒朝食于株

鄭氏曰說舍也馬六尺以下為駒 釋文駒作驕舊

音駒沈云或作駒字是後人改之皇皇者華篇內同
首章鄭氏文義皆善但不當以為靈公觝拒之辭彼
相戲於朝猶不知耻亦何觝拒之有蓋國人問靈
公胡為乎株林而從夏南乎詩人則為之隱曰靈
公非適株林從夏南乃他有所往爾然而駕我乘
馬則舍于株野矣乘我乘駒則又食于株矣雖欲
為之隱亦不可得也

株林二章章四句

澤陂

反 彼皮

刺時也言靈公君臣淫於其國男女相說憂

思

反 息嗣

感傷焉

王氏曰東門之粉宛丘之應也澤陂株林之應也

彼澤之陂有蒲與荷

音何

有美一人傷如之何寤寐無為

涕

反 他弟

泗

反 音四

滂

反 音普

沱

反 徒何

毛氏曰興也 董氏曰傳曰澤水之鍾也 毛氏曰

陂澤障也

孔氏曰澤障謂障水之岸

說文曰蒲者似莞

音桓

而褊

有春滑柔而溫

爾雅曰莞符薢屬雅疏曰本艸云白蒲一名符薢楚謂之莞蒲

毛

氏曰荷芙

音符藥

其居反

也

爾雅曰荷芙藥其莖茄其葉迨其本蠶其華齒齒其實蓮

其根藕郭璞曰荷別名芙蓉江東呼荷莖莖下白藕在泥中者蓮謂房也茄古牙反迨音迨蠶亡筆反

弱音若藕

五口反

鄭氏曰寤覺

音教也

毛氏曰自目曰涕

自鼻曰泗

孔氏曰目涕鼻泗俱下滂沱然 蘓氏

曰婦人之色如蒲荷之美思而不見故憂傷涕泗也

孔氏曰樊光注爾雅引詩有蒲與茄

彼澤之陂有蒲與蘭

古顏反

有美一人碩大且卷

其員反

寤

寐無為中心悁悁

烏玄反

毛氏曰蘭蘭也 蘓氏曰卷好也 毛氏曰悁悁猶

悁悁也

彼澤之陂有蒲菡

戶感反

菡

大感反

有美一人碩大且儼

魚檢

反

寤寐無為輾

張輦反

轉伏枕

毛氏曰菡菡荷華也

李氏曰儼者容貌儼然也

毛氏

曰儼矜莊貌

朱氏曰輾轉伏枕卧而不寐思之深且久

也

變風始於雞鳴終於澤陂凡一百二十八篇而男

女夫婦之詩四十有九抑何多耶曰有天地然後
有萬物有萬物然後有男女有男女然後有夫婦
有夫婦然後有父子有父子然後有君臣有君臣
然後有上下有上下然後禮義有所錯男女者三
綱之本萬事之先也正風之所以為正者舉其正
者以勸之也變風之所以為變者舉其不正者以
戒之也道之升降時之治亂俗之汙隆民之死生
於是乎在錄之煩悉篇之複重亦何疑哉

澤陂三章章六句

陳國十篇二十六章百二十四句

呂氏家塾讀詩記卷十三

欽定四庫全書

呂氏家塾讀詩記卷十四

宋 呂祖謙 撰

檜

鄭氏詩譜曰檜者古高辛氏火正祝融之墟

孔氏曰左傳梓

慎云鄭祝融之墟也鄭滅檜而處之故知檜是祝融之境

國在禹貢豫州外方之

北滎波之南居漆洧之間祝融氏名黎其後八姓惟

妘姓檜者處其地焉

孔氏曰祝融重黎也重黎之弟共回生陸終陸終生子六人四

曰會人紫世本會人即檜之祖也釋文曰王肅云周武王封祝融之後於濟洛河潁之間為檜子周

夷王厲王之時檜公不務政事而好潔衣服大夫去

之於是檜之變風始作

孔氏曰紫鄭語史伯於幽王之世為桓公嘗謀滅號檜云

檜仲恃險羔裘之作在檜仲之前不知其幾世也

其國北鄰於號

檜至平王之初武公滅之其風之變固在於東遷之前然未必知其為夷厲之世也

羔裘大夫以道去其君也國小而迫君不用道好絜其衣服逍遙遊燕而不能自強於政治故作是詩也

范氏曰君

有過則諫諫而不聽則去為臣之道也鄭氏曰以道去其君者三諫不從待放於郊得玦乃去孔氏曰公羊傳曰古者大夫已去三年待放范甯曰君賜之環則還賜之玦則往荀卿云召人以環絕人以玦玦古穴反
廣漢張氏曰羔裘之詩言其所事惟在於衣服之間則其不能自強於政治可知矣

羔裘逍遙狐裘以朝

直達反

豈不爾思勞心忉忉

音刀

毛氏曰羔裘以遊燕狐裘以適朝

鄭氏曰諸侯之朝服黼衣羔裘燕

氏曰錦衣狐裘所以朝笑子之服也

范氏曰急於遊燕而急於政治

此賢人所以去也夫忠臣之事君言不用而去之不

得已也其心豈舍君哉故曰豈不爾思勞心忉忉

朱氏

孟子去齊其
心蓋如此云

羔裘翱翔狐裘在堂豈不爾思我心憂傷

鄭氏曰翱翔猶逍遙也 毛氏曰堂公堂也

羔裘如膏古報反日出有曜羊照反豈不爾思中心是悼

朱氏曰羔裘之色潤澤如脂膏所漬日出照之則有

光曜毛氏曰日出照曜然後見其如膏

羔裘三章章四句

素冠刺不能三年也朱氏曰喪禮為父為君斬衰三年為母齊衰三年 毛氏曰子夏三

年之喪畢見於夫子拔琴而絃衍衍而樂作而曰先王制禮不敢不及夫子曰君子也閔子騫三年之喪畢見於夫子拔琴而絃切切而哀作而曰先王制禮不敢過也夫子曰君子也子路曰敢問何謂也夫子曰子夏哀已盡能引而致之於禮故曰君子也閔子騫哀未盡能自割以禮故曰君子也夫三年之喪賢者之所輕不肖者勉之

庶見素冠兮棘人樂樂

力端反

今勞心惓惓

徒端反

兮

毛氏曰庶幸也素冠練冠也

孔氏曰素白也此冠練布使熟其色蓋白喪禮

至其而練至祥乃降練後常服此冠也為練冠也

棘急也

朱氏曰喪事欲其惓惓耳哀遽之狀

也
樂樂瘠貌惓惓憂勞也
張氏曰不能三年不期

而除則未始用練冠

曾氏曰不能三年雖不知為服歲月然率我謂錯疑改火期可

已矣齊宣王曰為期之喪猶愈于已乎古之不能三年者意皆如此詩人思見練冠蓋當時止為一歲服

歟 范氏曰檜當夷厲之時已如此則孔子孟子之世可知也

董氏曰棘人崔靈

恩集注作慼人

說文樂作鬱

庶見素衣兮我心傷悲兮聊與子同歸兮

毛氏曰素冠故素衣也 朱氏曰與子同歸言其愛

慕之辭也

庶見素韞

音卑

兮我心蘊

於粉反

結兮聊與子如一兮

朱氏曰韞蔽膝也以韋為之冕服謂之敔其餘曰韞韞從裳色素衣素裳則素韞也蘊結者思之不解也與子如一甚於同歸矣

鄭康成王肅皆以素冠為大祥之冠蓋引喪服小記除成喪者具祭也朝服緇冠之文其說誤矣唯其不能三年是以嗟傷不見既練之冠若除喪之緇冠雖使短喪其除之也蓋亦服是冠矣至於二章之素衣鄭說猶不通朝服緇衣素裳初無素衣

之制遂轉衣為裳其牽合益甚矣三章之素韠於
既練之服雖無所攷觀詩者當亦得其大意不必
委曲瑣細拘於禮文況為鄭說者既曰衣者衣裳
之大名則為毛說者亦曰韠從裳色衣裳既素則
必有素韠豈不可乎孔氏又謂經傳未有以布為
素者殊不知經傳以色白為素如繪事後素之類
多矣不必專以帛為素也

素冠三章章三句

隰有萋

反 大羊

楚疾恣

反 安利

也國人疾其君之淫恣而思

無情欲者也

隰有萋楚猗

反 於可

儼

反 乃可

其枝夫

反 於驕

之沃沃

反 烏毒

樂

洛音子之無知

毛氏曰萋楚鉞

音遙

弋也

孔氏曰

郭璞云

今羊桃也

或曰鬼桃陸璣疏云葉長而狹

華紫赤色其枝莖弱過一尺引蔓于艸上

孔氏曰猗儼然枝條柔弱

毛氏曰天少也

呂氏曰萋楚始生猶能自立然枝

幹柔弱至于長則引蔓于艸上則既長不如初生之

自立故引以為喻

隰有萋楚猗儺其華天之沃沃樂子之無家

鄭氏曰無家謂無夫婦室家

隰有萋楚猗儺其實天之沃沃樂子之無室

朱氏曰無室猶無家也

夫如厥艸惟夫之天謂萋楚始生之時也隰有萋
楚猗儺其枝柔弱牽蔓蓋如人之多慾者矣反思
始茁其牙未有牽蔓之時生意沃沃然蓋甚可愛

也此所謂赤子之心也此檜君未有知識未有室家之時也曰無知無家無室者蓋疾其君之多慾故其辭過而激

隰有萋楚三章章四句

匪風思周道也國小政亂憂及禍難

乃旦反

而思周道焉

匪風下泉思周道之詩獨作於曹檜何也曰政出天子則強不陵弱各得其所政出諸侯則徵發之煩共億之困侵伐之暴唯小國偏受其害所以瞻

懷宗周為獨切也戰國時房喜謂韓王曰大國惡
有天子而小國利之以此二詩驗之其理益明賈
誼欲衆建諸侯而少其力雖其言略而不精亦可
謂少知治體矣

匪風發兮匪車偈

起竭反

今顧瞻周道中心怛

都連反

兮

毛氏曰發發飄風非有道之風偈偈疾驅非有道之

車

前漢王吉治韓詩上昌邑王疏曰詩云匪風發兮

匪車偈兮說曰是非古之風也發發者是非古之

車也偈偈者蓋傷之也程氏曰

匪風不和之風匪車無法之車

鄭氏曰迴首曰

顧 朱氏曰周道適周之路也 毛氏曰怛傷也

范氏曰匪風發兮匪車偈兮猶惡政之及民也

張氏曰人

之不安常如在風中車上

程氏曰顧瞻盼戀思而傷怛也

朱氏曰顧

瞻周道而思王室

前漢王吉引詩偈作揭怛作慙

匪風飄

符遙反

兮匪車嘌

匹遙反

兮顧瞻周道中心弔兮

毛氏曰迴風曰飄

孔氏曰迴風旋風也

嘌嘌無節度也弔傷也

誰能亨

音夷反

魚漑

古暖反

之釜

符甫反

鶩

音

誰將西歸懷之

好音

毛氏曰溉滌

徒歷反

也驚釜屬

孔氏曰釋器云鬴謂之驚滌炎曰關東謂鬴為

驚然則驚是鬴亨魚用釜不用鬴雙舉者以其俱是食器故通言之耳

鬴即陵反鬴同音

鄭

氏曰檜在周之東故言西歸

孔氏曰於時檜在滎陽周都豐鎬周在於西

程氏曰魚美好之物人所欲興善政人所思 朱

氏曰誰能亨魚乎有則我願為之溉其釜驚誰將西

歸乎有則我願慰勞之以好音而勉之言有能興周

道者則已將歸之也

毛氏曰亨魚煩則碎治民煩則散知亨魚則知治民矣 張氏

曰溉之釜驚欲治民不煩也溉沃之使水多也水寬則魚不壞政亦務寬

匪風三章章四句

檜國四篇十二章四十五句

呂氏家塾讀詩記卷十四

欽定四庫全書

呂氏家塾讀詩記卷十五

宋 呂祖謙 撰

曹

鄭氏詩譜曰曹者禹貢兗州陶丘之北地名周武王
既定天下封弟叔振鐸於曹今曰濟陰定陶是也其
封域在雷夏荷澤之野昔堯嘗遊成陽死而葬焉舜
漁於雷澤民俗始化其遺風重厚多君子務稼穡薄

衣食以致蓄積夾於魯衛之間又寡於患難末時富而無教乃更驕侈十一世當周惠王時政衰昭公好奢而任小人曹之變風始作

蜉

音浮

蝻

音由

刺奢也昭公國小而迫無瀆以自守好奢而

任小人將無所依焉

孔氏曰昭公班位僖七年卒

陳氏曰有法則儉

無法則奢儉則寡欲寡欲則小人無所投奢則多欲多欲則小人得以中其欲而自售小人得志則其國家必有危亡之禍而彼致禍之人亦且立而觀之耳因而擬之耳孰與國其難而共其憂哉
釋文無昭字曰一本作昭公國小而迫案鄭譜云昭公好奢而任小人曹之變風始作又云蜉蝻至下泉四篇共公時作未詳其正

今諸本此敘
多無昭公字

蜉蝣之羽衣裳楚楚心之憂矣於我歸處

毛氏曰興也蜉蝣渠略也朝生夕死

孔氏曰蜉蝣郭璞曰似蜉蝣有

角黃黑色陸璣云甲下有翅能飛夏日陰雨時地中出蜉起吉反蜉音羗

楚楚鮮明貌

鄭氏曰喻昭公之朝徒整飾其衣裳不知君臣死

亡無日如渠略然

朱氏曰蜉蝣之羽翼猶人衣裳之楚楚然也然朝生暮死蓋以比人

之玩細娛而無遠慮者耳

說文楚楚作黼黼

蜉蝣之翼采采衣服心之憂矣於我歸息

程氏曰采采華飾

蜉蝣掘

求物反

閱

音悅

麻衣如雪心之憂矣於我歸說

音稅

孔氏曰此蟲土裏化生掘閱者言其掘地而出形容

鮮閱也閱者悅懌之意鄭氏曰麻衣深衣也

孔氏曰玉

燕說指侯之禮云夕深衣

毛氏曰如雪言鮮潔

鄭氏曰說猶

舍息也說文掘作堀

曹之賢者見其君危亡將至猶驕浮自喜而莫可

告語也曰吾憂吾君危亡近在旦夕儻無所依其

於我歸處乎蓋欲如楚芊尹申亥舍靈王於家之
為也彼曹君方潔其衣服志氣揚揚而賢者已憫
之如亡國喪家之人可哀也哉表記曰君子不以
口譽人則民作忠故君子問人之寒則衣之問人
之饑則食之稱人之美則爵之國風曰心之憂矣
於我歸說雖別有所指然文義正如此也

蟋蟀三章章四句

候人刺近小人也共

音恭

公遠

于萬反

君子而好近小人焉

孔氏曰共公
襄昭公子

彼候人兮何

何可反

戈與祲

都外反

彼其

音記

之子三百赤芾

弗音

毛氏曰候人道路送迎賓客者

孔氏曰夏官候人上士六人下士十有二

人徒百有二十人身荷戈祲謂候人之屬非候人之官長也

何揭也

孔氏曰揭揭也

孔

氏曲禮疏曰戈鉤矛戟也如戟而橫安刃但頭不嚮

上為鉤也直刃長八寸橫刃長六寸刃下接柄處長

四寸並廣二寸

周禮冬官戈秘六尺有六寸注云秘猶柄也秘音秘

毛氏

曰殺父也

孔氏曰考工記父長尋有四父父俱是短兵殺字從父故知殺為父也

賢者

之官不過候人彼曹朝也

鄭氏曰之子是子也

毛氏曰芾韠也

孔氏曰芾是配冕之服形制同於韠祭服謂之芾他服謂之韠

一命

緇

鳥本反

芾黜

於糾反

珩

音衡

再命赤芾黜珩三命赤芾葱

珩大夫以上赤芾乘軒

左傳曰晉文公入曹數之以其不用倍負羈而乘軒者三

百人也且曰獻狀

孔氏曰賢者不過候人是遠君子也曹

朝三百人皆服赤芾是其近小人也諸侯之制大夫

五人今有三百赤芾愛小人過度也 董氏曰崔靈

恩集注作何戈與綴鄭康成於樂記引詩亦曰何戈
與綴綴表也 說文曰高懸羊皮以驚牛馬曰殺則
以殺為表矣

維鵜

徒低反

在梁不濡其翼彼其之子不稱

尺正反

其服

毛氏曰鵜洿澤也

孔氏曰鵜水鳥形如鵜而極大喙長尺餘頷下胡大如數升囊郭璞

曰今之鵜鵜也好羣飛入水食魚故名洿澤

梁水中之梁

歐陽氏曰此

鵜當居泥水中以自求魚而食今乃邈然高處魚梁
之上竊人之魚以食而得不濡其翼味如彼小人竊

祿於高位而不稱其服也

維鵜在梁不濡其味

陽救反

彼其之子不遂其媾

古豆反

毛氏曰味喙也媾厚也

張氏曰不遂其媾不稱其

寵待也今人謂遂意亦曰稱意

蒼

烏會反

兮蔚

於貴反

兮南山朝隰

子兮反

婉

於阮反

兮嬖

力轉反

兮季女斯饑

程氏曰蒼蔚艸木之盛鬱茂之狀 張氏詩曰林木

南山蒼蔚時工斤樵斧競朝隰舉知趨利青冥上不

念幽居季女饑

陳氏曰壯者趨利於山則弱女饑窮於室小人肆志於上則君子困窮於

下
董氏曰薈集作嬾嬾作嬾說文同

候人四章章四句

鵙

音尸

鵙刺不壹也在位無君子用心之不壹也

鵙鵙在桑其子七兮淑人君子其儀一兮其儀一兮心如結兮

毛氏曰興也鵙鵙結

於入反

鞠也

李氏曰鵙鵙爾雅以為結鞠方言以為藏

勝今乃鵙鵙也

鵙鵙之養其子朝從上下暮從下上平均如

一 鄭氏曰淑善也

廣漢張氏曰結云者實而不

它也

孔氏曰謂堅牢不散如物之裏結

陳氏曰君子動容貌斯遠

暴慢正顏色斯近信出辭氣斯遠鄙倍其見於容貌

顏色辭氣之間有常度矣豈固為是拘拘者哉蓋和

順積中而英華發外是以由其威儀一於外則其心

如結於內者從可知也 董氏曰崔靈恩集注作其

義一兮

鴈鵠在桑其子在梅淑人君子其帶伊絲其帶伊絲其

弁伊騏

音其

毛氏曰飛在梅也 鄭氏曰其帶伊絲謂大帶也大

帶用素絲有雜色飾焉

孔氏曰玉藻云雜帶君朱綬大夫玄華是有雜色飾

毛氏曰弁皮弁也騏騏文也

孔氏曰馬之青黑色謂之騏此字從馬則謂弁

色如騏馬之文也顧命云四人騏弁執戈注云青黑曰騏弁類多矣知此是皮弁者以其韋弁以即戎冠弁以從禽弁經又是帛凶之事且不得與絲帶相配唯皮弁是視朝之常服

孔氏曰鴈

鴈常言在桑其子每章異未言子自飛去母常不移

也

蘇氏曰從其在梅則失其在棘從其在棘則失其在棘是以居一以俟之而無不及者

李氏曰若

毋無常處則其
子不知所在

朱氏曰其帶伊絲其弁伊騏言有

常度不差忒也

周禮弁師注大鄭引詩作其弁伊

綦

鴈鳩在桑其子在棘淑人君子其儀不忒

他得反

其儀不

忒正是四國

朱氏曰忒差忒也有常度而其心一故儀不忒儀不

忒則足以正四國矣大學傳曰其為父子兄弟足法

而後民法之也

鴈鳩在桑其子在榛

側巾反

淑人君子正是國人正是國

人胡不萬年

榛解見定之方中

鄭氏曰胡不萬年人欲其壽考

李氏曰四方之遠猶且觀而象之況國人安得不
祝而頌之乎

鴈鳩四章章四句

下泉思治也曹人疾共公侵刻下民不得其所憂而思
明王賢伯也

程氏易剝上九傳曰諸陽消剝已盡獨有上九一爻
尚存如碩大之果不見食將有復生之理上九亦變
則純陰矣然陽無可盡之理變於上則生於下無間
可容息也陰道極盛之時其亂可知亂極則自當思
治故衆心願戴於君子君子得與也詩匪風下泉所
以居變風之終也

陳氏曰亂極而不治變極而不正則天理滅矣人道絕矣聖人於變

風之極則係之以思治之詩以示猶環之理以言亂之可治變之可正也

匪風下泉雖皆思周道之詩然匪風作於東遷之

前此一時也下泉作於齊桓之後此又一時也

洌音列彼下泉浸彼苞稂

音懶郎音懶反

我寤嘆念彼周京

毛氏曰興也洌寒也下泉泉下流也 王氏曰苞叢

生也 毛氏曰稂童梁

孔氏曰稂一名童梁是木之秀而不實者

鄭氏

曰懽嘆息之意寤覺也 孔氏曰周京與京周京師

一也因異章而變文耳 程氏曰泉之潤物猶政令

膏澤之及人泉寒洌則不能潤物在下則不能及物

浸漬則害物苞叢生之茂者乃反害之是皆不得其

所也慨然既寤而嘆念周道之衰也所謂思明王之

時也釋文浸作寢曰本又作浸

洌彼下泉浸彼苞蕭愴我寤嘆念彼京周

毛氏曰蕭蒿也

山陰陸氏曰即白蒿葉白莖粗斜生多者如數十莖有香氣故祭祀以脂

之燕

洌彼下泉浸彼苞著尸愴我寤嘆念彼京師

朱氏曰著莖艸也

陸璣蟲魚疏曰似賴蕭青色斜生

京師解見公

劉

芄芄

薄工反

黍苗陰雨膏

舌報反

之四國有王郇

音荀伯勞報力

反之

毛氏曰芄芄美貌郇伯郇侯也

孔氏曰左傳富辰稱畢原鄭郇文之昭也

嫌是伯爵故言郇伯郇侯也程氏曰郇伯故方伯之有功者

朱氏曰黍苗既芄

芄然矣而又有陰雨以膏之四國既有王矣而又有

郇伯以勞之傷今之不然也

曾氏曰四國有明王郇伯又勞之今咸無焉

下泉四章章四句

曹國四篇十五章六十八句

呂氏家塾讀詩記卷十五

欽定四庫全書

經部

呂氏家塾讀詩記卷十六

詳校官監察御史_臣邱庭澍

通政使司副使_臣莫瞻菴覆勘

總校官_{降調編修臣}倉聖脉

校對官_{學正臣}翁樹棠

謄錄監生_臣姚元烺

欽定四庫全書

呂氏家塾讀詩記卷十六

宋 呂祖謙 撰

幽

鄭氏詩譜曰幽者后稷之曾孫曰公劉者自邠而出
所徙戎狄之地名今屬右扶風枸邑

孔氏曰周本紀云舜封后稷於

邠杜預云幽在新平漆縣東北邠今始平武功縣
所治釐城是也邠近而幽遠從內出外故言出公

劉以夏后太康時失其官竄於此地猶修后稷之業

勤恤愛民民咸歸之而國成焉

孔氏曰國語云昔我先王世后稷以服事虞夏

及夏之衰棄稷不務我先王不窋用失其官而自竄於戎狄之間不窋后稷之子也韋昭注國語以為不窋當太康之時公劉乃不窋之孫不應亦當太康之世其封域在禹貢雍州岐

山之北原隰之野

孔氏曰太王始入居岐之陽明隰在岐山之北公劉之篇說公劉居

隰度其陽隰以治田是隰居原隰之野

至商之末世太王又避我狄之

難而入處於岐陽成王之時周公居東思公劉居隰

憂念民事至苦之功以比叙已志故別其詩以為幽

國變風焉

孔氏曰周公王朝卿士不得專名一國因其上陳幽公故為幽之變風釋文曰周

公遭流言居東作七月之詩成王悟而迎之
以致太平故太師述其詩為幽國之風焉

文中

子程元問曰敢問幽風何風也文中子曰變風也元
曰周公之際亦有變風乎曰君臣相誚其能正乎成
王終疑則風遂變矣非周公至誠其孰能卒正之哉
元曰居變之末何也曰夷王以下變風不復正矣夫
子蓋傷之也故終之以幽風言變之可正也唯周公
能之故繫之以正變而正危而克扶終始不失其本
其唯周公乎繫之幽遠矣哉

劉氏曰幽風者名之為
幽實周公詩耳周有繼

內國也畿內諸侯上繫於王不得國別風也何不編於魯魯者伯禽封耳周公不之魯也周公作詩意在於幽而周公之詩無所可繫故因謂之幽也何以不列之於雅曰列之於雅是為變雅成王雖始疑周公而終任之君臣之道亦無間矣君子成人之美故不使成王之世有變雅之聲而攝引其詩使還周公也

范氏曰幽居於風雅之間何也風之所為終而雅之所為始也變風終於曹思明王賢伯之不可得於是次之以幽反之於周公而後至於鹿鳴言周之所以盛者由周公也

七月陳王業也周公遭變故陳后稷先公風化之所由

致王業之艱難也

鄭氏曰周公遭變者管蔡流言

程氏曰七月大意憂思深遠不唯幽風當如此又成

王中變自然發起周公言終久意思此詩欲成王知

先公先王致王業之由民之勞力趨時稼穡之艱難

如此此詩多陳節物大要言歲叙之遷人事當及時

耳所言或與月令異者月令多舉其始此但言其有

時不必始有也

朱氏曰使成王知其積累之艱難如此而思奉承之不易且以見已之所

以當國而不辭之意

王氏曰仰觀星日霜露之變俯察蟲鳥

草木之化以知天時以授民事女服事乎內男服事乎外上以誠愛下下以忠利上父父子子夫夫婦婦養老而慈幼食力而助弱其祭祀也時其燕饗也節

此七月之義也

後漢

缺

曰七月之詩大

小教之終而復始由此觀之人固不可恣也

楊氏曰先王之

政使民男女終歲勤動未常休也雖淫解之心何自萌藥哉而獻享之禮孝愛之誠隆於自然此所以辟辟莫知為之者也周公陳王業之致特在乎此後之有天下者宜審也

楊氏曰七月

備言田桑之事以其興本於是故也

長樂劉氏

曰此詩所記苟非井邑其民鄉黨其教各有正長部
分司其歲功未易集也

七月流火九月授衣一之日飫

音必

發二之日栗烈無衣

無褐

音曷

何以卒歲三之日于耜四之日舉趾同我婦子

饁

反炎餽

彼南畝田畯

音俊

至喜

張氏曰七月之詩皆以夏正為斷

朱氏曰此詩月數皆以人正為紀

范氏曰何以卒歲則又見二之日為歲之終也

毛氏曰火大火也流下也

公羊傳曰大辰者大火也何休注大火謂心孔氏曰左傳張趯曰火星中而寒暑退服虔云火大火心

也季冬十二月平旦正中在南方大寒退季夏六月黃昏火星中大暑退左傳又曰火猶西流謂火下為流朱氏曰火以六月之昏加於正南午位當東西之中至七月之昏則下而西流矣九月霜

始降可以授冬衣矣一之日十之餘也一之日周正

月也二之日殷正月也

孔氏曰一之日二之日猶言一月之二月三日故傳言

一之日者是乃十外之餘謂數從一起而終於十更有餘月還以一二紀之也周正月斗建子之月也殷正月斗建丑之月也程氏曰一之日猶云冬之日夏之日也朱氏曰周之先公因用此以紀候張

氏曰言月又言日別無義例只是文順

歲發風寒也栗烈寒氣也

王氏曰風

而寒尚非其至也無風而寒於是為至

鄭氏曰褐毛布也

孔氏曰褐賤者所服

今夷狄作褐
皆織毛為之
卒終也
毛氏曰三之日夏正月也

曰斗建寅
幽土晚寒于耜始修耒耜也
孔氏曰月令季冬命農修

耒耜孟春天子躬耕帝籍幽土寒晚溫亦晚
故修耒耜始耕皆校中國一月也于訓為於
四之日

周四月也
孔氏曰夏之二月斗建卯之月也
民無不舉足而耕矣

程氏曰同我婦子我婦我子同來致餉也
毛氏曰

饁饋也田畯田大夫也
孔氏曰釋言云畯農夫也孫炎曰農夫田官也郭璞曰今

之耨夫是也
鄭氏曰此章陳人以衣食為急餘章廣而

成之
程氏曰歲過中而行暮矣當有卒歲之具禦

冬之備故以七月流火為首

張氏曰周人慮事有豫七月之詩常於半年前

提擬故頻舉

七月為言

范氏曰七月陰氣始盛而寒將至九

月則不可無衣矣

鄭氏曰此二正之月人之無衣

無褐將何以卒歲乎

朱氏曰言所以授衣為是故也范氏曰孔子曰作易者其有

憂患乎先王教民農桑以為衣食非以充欲所以備患也是故將言衣之本則著寒之候

歐陽

氏曰農夫在田婦子往饋田大夫見其勤農樂業而

喜

孔氏曰周公陳先公在邕教民周備使衣食充足寒暑及時民奉上教知其早晚各自勸勉以勤事

業故同我婦子饋彼南畝及嗟我婦子曰為改歲此述民人之志非叙先公號令之辭

范氏

曰民生本乎衣食天下之務莫實於此矣禮義之所
以起孝悌之所以生教化之所以成人情之所以固
也故勤儉之俗莫如幽風 董氏曰感發說文作淠
次栗烈集註作栗列按烈從火不得為寒氣

七月流火九月授衣春日載陽有鳴倉庚女執懿筐遵
彼微行爰求柔桑春日遲遲采繁祁祁巨之反女心傷悲
殆及公子同歸

鄭氏曰載則也陽溫也 毛氏曰倉庚離黃也

孔氏曰即

葛覃黃 懿筐深筐也 朱氏曰遵循也 毛氏曰微鳥也

行牆下徑也五畝之宅樹之以桑 鄭氏曰柔桑穉

桑也蠶始生宜穉桑也 毛氏曰遲遲舒緩也 孔氏曰遲

遲者日長而暄之意人在陽則舒在陰則慘遇春暄則四體舒泰覺晝景之稍長謂日行遲故以遲遲言之 繫罽蒿也所以生蠶 孔氏曰白蒿所以生蠶今人猶用之 山陰陸氏曰今洗

蠶種尚 用蒿 祁祁衆多也 程氏曰韓奕諸婦從之祁祁如雲 傷悲感事苦

也春女悲秋士悲感其物化也 孔氏曰既庶事苦又感陽氣 程

氏曰殆庶幾也 孔氏曰公羊傳說築王姬之館云

於羣公子之舍則以卑矣是諸侯之女稱公子也婦
人謂嫁曰歸 鄭氏曰七月流火九月授衣將言女
功之始故又本於此 王氏曰以九月授衣也故春
日載陽則求桑而蠶 孔氏曰春日則以溫矣又有
鳴者是倉庾也於此之時女執持深筐循彼微細之
徑求柔穉之桑以養新生之蠶因言養蠶之時女有
傷悲之志更本之言春日遲遲然而舒緩采繁者祁
祁然而衆多女心感蠶事之勞苦時物之變化皆傷

悲有與公子同嫁之志

程氏曰再言春日遲遲者此道人情之及時也女勤力蠶

事蓋所以為衣裳之備庶幾得如富貴之子及時而行也

朱氏曰殆及公子同

歸見其上下之情交相忠愛如此張氏曰此意次

於耕事者重昏嫁本人情

范氏曰男莫不耕女莫不蠶則衣食之本立矣昏姻

以時則男女正矣

釋文殆作迨曰音待始也

七月流火八月萑

戶官反

葦

韋鬼反

蠶月條

佗彫反

桑取彼斧

斨

七羊反

以伐遠揚猗

於宜反

彼女桑七月鳴鵲

圭覓反

八月

載績載玄載黃我朱孔陽為公子裳

毛氏曰蘧

五患反

為萑葭

音加

為葦

孔氏曰釋草云蘧似葦而小者初生者為

葭長大為蘧成則名為萑初生為葭長大為蘧成則名為葦

豫畜萑葦可以為曲

也

孔氏曰月令季春云植槌也簿用萑葦為之

曲植管萑注云曲簿也植直吏反槌直追反

程氏曰蠶月當蠶長之月也計歲氣之早晚不可指

定幾月也

王氏曰蠶月非一月故不指言某月

鄭氏曰條桑枝落之

采其葉也

毛氏曰斨方登

曲容反

也

孔氏曰破斧傳曰隋登曰斧方

登曰斨然則斨即遠枝遠也揚條揚也

孔氏曰遠者謂長枝去人

遠也揚謂長條揚起者皆手所不及故枝落之而采其葉

角而束之曰猗

鄭氏曰女柔少

枝長條不枝落東而采之 孔氏曰左傳云譬如捕鹿晉人角之諸戎倚之然倚角皆遮截束縛之名也故云角而束之曰倚 董氏曰齊詩倚彼女桑作倚蓋倚而束也毛傳亦曰角而束之則毛亦為倚也蘇氏曰去葉存條曰倚倚長 女桑 荑 徒奚反 桑也 郭璞也葉盡則條倚倚其長也 反 桑也 曰今

俗呼小而長條謂之女桑 孔氏 鵲伯勞也 鄭氏曰曰女是人之弱者女桑柔柔也 伯勞鳴

將寒之候也五月則鳴鵲地晚寒鳥物之候從其氣焉 孔氏曰鵲處西地寒氣之來大率晚耳八月其獲七月食瓜八月剥棗九月肅霜十月月淋場如此之類皆與中國同也 孔氏曰續緝

麻之名 毛氏曰玄黑而有赤也朱深纁也祭服玄

衣纁裳 孔氏曰易下繫云黃帝堯舜垂衣裳蓋取諸乾坤注云乾為天坤為地天色玄地色黃故

玄以為衣黃以為裳土寄位於南方南方故云用纁
是祭服用玄衣纁裳之義攷工記鍾氏則染纁術也
染玄則史傳闕 王氏曰周官染人秋染夏夏五色
也蓋於是時也五色皆可以染故載玄載黃我朱孔
陽為公 陽明也 孔氏曰謂朱色光明 鄭氏曰七月流火將言

女工自始至成故亦又本於此 孔氏曰民知將寒

之候八月萑葦既成畜之以擬蠶用 程氏曰蠶長

之月當枝落桑則用斧斨亦預備其器具也伐遠揚

猗女桑皆用斧斨 毛氏曰七月鳴鵙八月載績絲

事畢而麻事起矣 朱氏曰凡此女功之所成者皆染

之或玄或黃而其朱者尤鮮明

孔氏曰染以朱孔陽為難言我朱孔陽則

玄黃不足道也

程氏曰蓋所以供公上為公子之衣裳故

也為公子裘獻紆于公皆此義也民之知義如此則

美俗成矣

張氏曰我朱孔陽則已欲為公子裳取彼狐狸則已欲為公子裘春日遲遲采蘩祁

祁則造及公子同歸民愛幽公待之如家人其愛之深如此李氏曰豈非至誠惻怛之意上以是施之

下以是報之乎言裳而不及衣特便其韻耳

八月載績載玄載黃我朱孔陽為公子裳孔穎達

謂績麻為布民自衣之玄黃之色施於祭服朱則

為公子之裳非也古者冕用麻而服用絲如玄冕

豈不用玄乎

四月秀蓂

於道反

五月鳴蜩

徒彫反

八月其穫

戶郭反

十月隕

于嚴反

擇

音託

一之日于貉

戶各反

取彼狐狸

力之反

為公子裘

二之日其同載纘

子管反

武功言私其縱

子公反

獻豸

言牽反

于公

毛氏曰不榮而實曰秀蓂蓂草也

爾雅釋草云華榮也木謂之華草謂

之榮不榮而實者謂之秀

蜩蟬也

孔氏曰方言曰楚謂蟬為蜩宋衛謂之蟬

獲禾可

獲也隕墜籜落也

孔氏曰隕籜十月木葉皆隕落也說文曰皮葉落墜地為籜

鄭氏曰于往也

毛氏曰于貉謂取狐狸皮也狐狸

之厚以居孟冬天子始裘

董氏曰齊東郭書衣狸製孔氏曰孟冬天子始裘

月令文言自此以後臣民亦服裘也孟冬已裘而仲冬始捕獸者為來年用之皮革踰歲乾冬乃可用

程氏曰其同謂會衆共事也

鄭氏曰君臣及民因習兵俱出田上氏

曰唯田國人竭作故曰同

鄭氏曰不用仲冬亦鹵地晚寒也

毛氏曰續繼功事也豕一歲曰豮三歲曰豮大獸公

之小獸私之孔氏曰三章既言絲麻衣服女功之

正故四章陳女功之助取皮為裘以助布帛 鄭氏

曰秀萋也鳴蜩也獲禾也隕擇也四者皆物成而將

寒之候物成自秀萋始

張氏曰秀萋者物成之初鳴蜩者歲秋之漸

王

氏曰隕擇則鳥獸毳毛於是乎可以取皮故以隕擇

為取貉狐狸之候也

孔氏曰既言捕取狐狸因說

田獵之事至二之日君民俱出田獵則繼續武事年

常習之使不忘戰也

朱氏曰獻斲于公亦愛其上

之無已也

孔氏曰獨說冬獵者以取皮在冬且大閱禮備故也

東萊曰貉狐

貉之居也戎狄之貉所以得名者亦以五穀不生狐
狸之所聚也讀作貉道之貉亦通

五月斯螽

音終

動股六月莎

素和反

雞振羽七月在野八月

在宇九月在戶十月蟋蟀入我牀下穹

起弓反

室

珍忠反

薰

許云反

鼠塞向墜

音觀

戶嗟我婦子曰為改歲入此室處

陸氏草木疏曰斯螽蝗類長而青長角長股股鳴者
也五月中以兩股相切作聲聞數十步莎雞如蝗而
班色毛翅數重其翅正赤六月中飛而振羽索索作

聲

毛氏曰莎雞羽成而振訊之 李氏曰攷工記云以股鳴者以翼鳴者以股鳴者斯螽是也以翼鳴

者莎雞是也

釋文曰屋四垂為宇韓詩云宇屋雷也

朱氏

曰宇簷下也

蟋蟀解見唐蟋蟀

孔氏曰月令季夏云蟋蟀居壁是從壁內出在

野

毛氏曰穹窮室塞也

孔氏曰言窮盡塞其室之孔穴也

孔氏

曰熏鼠令出其窟

毛氏曰向北出牖也

孔氏曰士虞禮云祝

啟牖嚮注云嚮牖一名也為寒之備不塞南窓 朱氏曰塞向以當北風

瑾塗也庶人華

戶

孔氏曰華戶以荆竹織門以其荆竹通風故泥之也

孔氏曰穹室瑾戶文

在十月之下亦當以十月塞塗之矣 王氏曰嗟者

憫憐之辭 孔氏曰改歲者以仲冬寒氣始萌可以

為年之始

又曰若總言一歲之事則寒暑一周又為終歲故上言無衣無褐何以卒歲

范氏曰五月日短至而陰生斯螽動股莎雞振羽氣使之然也陰陽之氣積微而為寒暑君子之戒民也蚤矣 鄭氏曰自七月在野至十月入我牀下皆謂蟋蟀也將寒有漸非卒來也 孔氏曰蟲既近人大

寒將至故塗塞其室又告妻子言我所以為此者為改歲大寒當入此居處也

前漢食貨志曰春令民畢出在野冬則畢入於邑其

詩曰四之日舉趾同我婦子饁彼南畝又曰十月蟋蟀入我牀下嗟我婦子聿為改歲入此室處所以順陰陽備冠賊習禮文也

張氏曰此章見老者之愛

幽詩陳先公風化而載其民言曰嗟我婦子曰為改歲入此室處則三正之通於民俗尚矣商周特舉而迭用之爾

六月食鬱及薁於六反七月亨普庚反葵及菽音叔八月剝普甘反

反棗十月穫稻為此春酒以介眉壽七月食瓜八月斷

壺九月叔苴七餘反采荼音徒薪樗救書反食音嗣我農夫

毛氏曰鬱棣

大計反

屬萸萸萸也

孔氏曰棣其樹高五六尺其實大如李食

之甜一名車下李萸萸者亦是鬱類而小別耳晉宮闈銘云華林園中有車下李萸李車下李即鬱萸李即

萸乃盈反

爾雅注曰葵承露也大莖小葉華紫黃色

可茹

李氏曰公儀為魯相所拔者是也

朱氏曰菽豆也

毛氏曰

剝擊也

孔氏曰棗須就樹擊之

春酒凍

丁貢反

醪也

孔氏曰此酒凍

時醪之即酒正三酒中清酒也時注云古者獲稻而漬米麴至春而為酒

月令仲冬麴藥必蘇氏曰

夏不可以釀故為此酒以繼之

鄭氏曰介助也

爾雅曰介右也

毛氏曰

眉壽毫眉也

孔氏曰人年老必有毫眉秀出者故知眉為毫眉也

長樂劉

氏曰壺枯者可為壺嫩者可供茹八月宜斷其稍令

勿復花實所以堅其壺而大其茹今民尚爾

孔氏曰壺與食

瓜連文謂甘瓠可食者也張氏曰食瓜斷壺皆去圓為場之漸

毛氏曰叔拾也苴

麻子也

爾雅曰廣臬實注禮記曰苴麻之有實也廣扶刃反臬息似反

孔氏曰叔苴謂拾取

麻實以供食也

荼解見谷風 毛氏曰樛惡木也

孔氏曰樛唯堪

為薪故曰惡木

呂氏曰衣裘具矣居室安矣老者之養不

可以無加也農夫之勤其養不可以不畜也 程氏

曰自六月食鬱及藁已下果蔬棗酒皆為養老之具

王氏曰眉壽衰矣養氣體焉以助之也

朱氏曰果酒嘉蔬以

養老疾奉賓祭介眉壽者頌禱之辭也

程氏曰七月食瓜以下皆為

壯者之食故云食我農夫

鄭氏曰瓜瓠之蓄麻食之糝乾茶之菜惡木之薪養

農夫之具朱氏曰瓜瓠苴茶以為常食少長之義豐儉之節也

九月築場圃十月納禾稼黍稷重

直容反

穆音六禾麻菽

麥嗟我農夫我稼既同上入執宮功晝爾于茅宵爾索

綯

徒力反

其乘屋其始播百穀

鄭氏曰場圃同地物生之時耕治之以種菜茹至物

盡成熟築堅以為場

毛氏曰春夏為圃秋冬為場
孔氏曰踐禾稼則謂之場

程氏曰納謂納於場

禾解見下

孔氏曰種植

嘉穀名為稼

李氏曰說文云禾之秀實
者為稼一日在野曰稼

黍稷解見

黍離

毛氏曰後熟曰重先熟曰稷

董氏曰鄭衆曰
先種後熟謂之

重後種先熟謂之稷按說文種音童童所謂重也種音
衆所謂藝釋文曰禾邊作重是重稷之字禾邊作

童是種
藝之字

孔氏曰再言禾者以禾是大名非徒黍稷

重稷四種而已其餘稻秫粱之輩皆名為禾麻與菽

麥則無禾稱故於麻麥之上更言禾字以總諸禾也

鄭氏曰既同言已聚也

王氏曰所納之備也 朱氏曰言納於場者無所不

備則我稼同矣

毛氏曰入為上出為下

李氏曰田野入都邑故謂之上 程

氏曰上入遷入都邑之居也

范氏曰宮功公室之役也

董氏曰蓋官府

之役也古者用民之力不過三日其此謂乎

鄭氏曰爾汝也

毛氏曰

宵夜也

程氏曰絢所用蓋屋

毛氏曰絢綬也 孔氏曰絢繩之綬也

鄭氏曰女當晝日往取茅歸夜作綬索

鄭氏曰亟急也

毛氏曰乘

升也

程氏曰乘屋蓋治也

鄭氏曰急當治野廬之屋

孔氏曰汝又當

急其升上野廬之屋而修治之以待耘耔之時上云塞向墜戶是都邑之屋故知此所治屋者民治野廬

之屋也 董氏曰各入保城故野廬之居間可以治之

孔氏曰播種也 張

氏曰此章言農夫稼同則思上入執宮功不待督責自相戒以亟乘屋而播百穀亦未嘗休息也 孟子

曰民事不可緩也詩云晝爾于茅宵爾索綯亟其乘

屋其始播百穀

范氏曰亟其乘屋趨時之急也其急何也其始播百穀故也

范

氏曰天運而不息人勤而不已故我稼既同則又將

始播殖也

王氏曰如易所謂終則有始者也

呂氏曰此章終始農

事以極憂勤艱難之意

二之日鑿冰冲冲

直弓反

三之日納于凌

力證反

陰四之日

其蚤

音早

獻羔祭韭

音久

九月肅霜十月漋

徒歷反

場朋酒斯

饗曰殺羔羊躋

子奚反

彼公堂稱彼兕觥

號彭反

萬壽無疆

周官凌人曰正歲十有二月令斬冰

毛氏曰冰盛

水腹堅則命取冰於山林冲冲鑿冰之意

孔氏曰冲非貌非

聲故云鑿冰

之意月令季冬冰方盛水澤腹堅命取而藏之左傳曰古者日在北陸而藏冰深山窮谷

固陰沍寒於是乎取之注陸道也謂夏十二月日在虛危

馬氏曰幽土晚寒故

可夏正月藏冰

又曰

凌人十二月斬冰即以其月納朱氏曰幽土寒多故正月風未

解凍冰猶可藏也

毛氏曰凌陰冰室也

孔氏曰仲春陽

氣出地冰依禮須開

程氏曰其蚤用之於獻羔祭

韭時夏頒冰是其後用時也

周官凌人夏頒冰曰西陸朝覲而出之三統

孔氏

銜四月立夏節日在畢十二度星去日半次然後見是立夏之日日去昴星之界已十二度昴星得朝見也二月開冰公始用之未賜臣也至于夏初其出之也朝之祿位賓食喪祭於是乎普用之乃是頒賜臣也

孔氏曰月令仲春天子乃獻羔開冰先薦寢廟

祭韭者蓋以時韭新出故薦之

鄭氏凌人注云為二月將獻羔而啟冰

邱氏曰肅嚴氣也

毛氏曰滌掃也場功畢入也

兩樽曰朋

孔氏曰設兩樽之朋酒斯為飲食之饗禮

孔氏曰相命曰殺

羔羊躋升也

王氏曰公堂人君之堂也

孔氏曰

稱舉也

兕觥解見卷耳

毛氏曰疆竟也

孔氏

曰七章言收歛之事所以成首章也衣食已具卒章

乃言備暑藏冰飲酒相樂

鄭氏曰上章備寒故此章備暑后稷先公禮教備也

范氏曰備寒所以為下也備暑所以為上也寒者民之所患也故先之所以急民也

程氏

曰藏冰所以備暑而開冰必以仲春所以順時氣也

張氏曰民忠愛其君之甚相戒以速畢場功當自

殺羔羊獻公以酒祝之萬壽

幽之先公國容未備無君民之間故曰朋酒斯饗

曰殺羔羊躋彼公堂萬壽無疆

七月八章章十一句

鴟尺之鴟于嬌周公救亂也成王未知周公之志公乃

為詩以遺王名之曰鴟鴞鄭氏曰未知周公之志者

氏曰管蔡流言使成王疑周公周公雖已滅之然成王

之疑未釋則亂未弭也故周公作鴟鴞之詩以遺王而

告以王業艱難不忍毀

壞之意所以為救亂也

書曰武王既喪管叔及其羣弟乃流言于國曰公將

不利於孺子周公乃告二公曰我之弗辟則無以告

我先王周公居東二年則罪人斯得于後公乃為詩

以貽王名之曰鴝鵒王亦未敢誚公

歐陽氏曰金縢言周公先攝政

中誅管蔡後為詩以貽王鄭氏謂先為冢宰中避而出作詩貽王以作詩後乃攝政而誅管蔡非也

鴝鵒鴝鵒既取我子無毀我室恩斯勤斯鬻

由六反

子之

閔斯

爾雅曰鴝鵒鴝鵒

郭璞曰鴝鵒類以鴝鵒為巧婦

山陰陸氏曰先儒以爾雅觀之宜如

璞義蓋爾雅言鵯鵯鵯繼言狂茅鵯怪鵯泉鵯則
鵯鵯亦泉之類也 呂氏曰鵯鵯惡聲之鵯鳥也詩

有鵯萃止又翩彼飛鵯又為泉為鵯蓋泉
之類鵯音寧鵯音決怪古拜反泉古克反 歐陽氏

曰鳥之愛其巢者呼鵯鵯而告之 程氏曰不知呼
鵯鵯者主何物

鄭氏曰室猶巢也言已取我子幸無毀我巢我巢積

日累功作之甚苦故愛惜之也 歐陽氏曰今鵯
多攫鳥子而食 毛

氏曰恩愛也 程氏曰鬻育也 朱氏曰鬻養此子

誠可憫憐今既取之其毒甚矣况又毀我室耶 本程
氏說

程氏曰鵯鵯謂為惡者子喻管蔡室喻王室 朱氏
曰周

公託為鳥言以自比

呂氏曰殷民欲叛馮附二叔之親欺惑

其人使之流言云周公將不利于孺子欲王取信兄

弟之言中傷周公謀危王室也故周公曰管蔡親也

爾既以惡汙染使陷於罪是汝殷民入我國害我兄

弟矣又欲危王室則不可也

范氏曰成王幼弱未足以反天基命定命周公

苟不攝政則禍亂將作而毀周室矣故曰無毀我室與王室同安危故也

東萊曰爾雅

鷦鷯鷽鷽之别名郭景純陸農師所解皆得之方

言云自關而東謂桑飛曰鷽鷽此乃陸璣疏所謂

巧婦似黃雀而小其名偶與鷓鴣之別名同與爾
雅之所載實兩物也毛鄭誤指以解詩歐陽氏雖
知其失乃併與爾雅非之蓋未考郭景純之注耳
恩斯勤斯鬻子之憫斯言我恩愛勤苦育養此子
誠可憫惻也周公謂管蔡為子者為周家語殷民
之辭也

迨天之未陰雨徹彼桑土

音杜

綱直

留

繆莫

侯

牖戶令女

下民或敗侮予

毛氏曰迨及也徹剝也

朱氏曰徹取也

桑土桑根也

鄭氏

曰綢繆猶纏綿也

朱氏曰牖者巢之通氣處戶其

出入處也

鄭氏曰下民巢下之民也

程氏曰迨

天之未陰雨而下言自為安固防閑之道深至如此

而尚或侮之

朱氏曰亦為鳥言及天之未陰雨之時而往取桑根以纏綿其巢之隙穴使之

堅固以備陰雨之患

孔氏曰以勤勞之故惜此室巢令巢下之民或敢侮慢我欲毀我巢室

孔

氏曰王肅云周公言先王致此大功至艱難而其下

民敢侵侮我周道不可不遏絕以全周室

釋文曰

桑土韓詩作杜方言云東齊謂根為杜董氏曰石經作桑杜方言

云菱杜根也

予手拮音吉据音居予所拊力活反茶音徒予所蓄租子胡反予口

卒瘠音徒曰予未有室家

毛氏曰拮据擻京劇反拘俱局反也孔氏曰說文曰擻持也

持草也 朱氏曰拊取也 毛氏曰茶萑茗音條也孔氏曰龍

為萑萑茗謂龍之秀穗也 朱氏曰茶茗華可藉巢者

程氏曰蓄積租取也

王氏曰與租賦之租同 王氏曰卒盡也 毛氏曰瘠病也手

病口病

孔氏曰口病明手亦病也文曰韓詩云口足為事曰拮据

釋

鄭氏曰我

作之至苦如是者曰我未有室家之故

朱氏曰亦為鳥言所以拮

据持荼蓄租勞苦而至於病者以巢之未成也以此已之所以勤勞如此者以王室新造而未集故也

予羽譙譙

在消反

予尾脩脩

素彫反

予室翹翹

祁消反

風雨所

漂

匹遥反

搖予維音曉曉

呼亮反

毛氏曰譙譙殺也

色界也

也脩脩敝也

孔氏曰鳥之羽尾疲勞之狀

翹

翹危也曉曉懼也

鄭氏曰音曉曉然恐懼告愬之

意蘇氏曰為室之勞至於羽殺尾敝室成而風雨

漂搖之則其音得無急乎

朱氏曰翹翹成而未定也風雨又從而漂搖之以此

已既勞瘁王室未安而多難乘之則其作詩以喻王亦不得而不汲汲也

程氏曰此周

公之詩所以辭哀而意切也

釋文脩脩作脩脩

孔氏

載經文及毛傳皆作消消云定本消消作脩脩

鴟鴞四章章五句

東山周公東征也周公東征三年而歸勞

力報反

歸士大

夫美之故作是詩也一章言其完也二章言其思也三

章言其室家之望女

音汝

也四章樂

音洛

男女之得及時也

君子之於人叙其情而閔其勞所以說音悅也說以使民

民忘其死其唯東山乎

李氏曰周在豐鎬管蔡挾三監叛其地在王室之東周公自東

而征之則是有西而東故謂之東征二年而罪人斯得至歸周則三年矣孔氏曰完謂不與敵戰歸士完全

程氏曰思謂念其勤勞思其廬室荒廢也

孔氏曰

室家之望汝謂歸士未反室家思望民有勞苦唯恐君

上不知今叙其情閔其勤勞則民皆喜悅忘其勞苦

朱氏曰皆其心之所願而不敗言者上之人乃先其未

發而歌詠以勞苦之則其歡欣感激之情為何如哉夫

古之人上下之際情志交孚雖家人父子之相語無以

過此其所以維持鞏固數十百

年而無一旦土崩之勢也歟

我徂東山惓惓

徒力反

不歸我來自東零雨其濛

莫紅反

我

東曰歸我心西悲制彼裳衣勿士行反户剛枚反莫杯蛸蛸

鳥玄者蠋音蜀烝在桑野敦都迴反彼獨宿亦在車下

程氏曰東山所征之地 毛氏曰惓惓言久也陳氏曰惓

漫也有流而不止之意 孔氏曰零雨零落之也 毛氏曰濛

雨貌說文曰濛微雨也 王氏曰止使人毋為謂之勿 毛

氏曰士事也 鄭氏曰行陳也 毛氏曰枚微也孔氏

曰微者其物微細也夫司馬大閱云遂鼓銜枚而進注云枚如箸銜之有纏結頂中軍法止語為相疑惑

著直慮反 蛸蛸貌桑蟲也孔氏曰釋蟲云蛸蛸 郭

續户卦反 蛸蛸貌桑蟲也孔氏曰釋蟲云蛸蛸 郭

璞曰大蟲如指似蠶韓非云
蠶似蠋 蛇鳥木及鳴音鳥

程氏曰烝猶云升也

蠋在葉中故云烝在桑野

朱氏曰烝發語聲

朱氏曰敦獨處

不移之貌 鄭氏曰獨宿於車下

王氏曰古之所以用車戰者謂其車

戰則將卒有所蔽倚止則為營衛與塹柵
無以異兵械衣服之屬皆可以載其中

鄭氏曰

叙歸士之情也我往之東山既久勞矣歸又道遇雨

濛濛然是尤苦也

董氏曰我徂東山記其地也滔滔不歸記其久也我來自東記其還

也零雨其濛記其時也 范氏曰人之情憚往而樂歸於其歸猶閱其遇雨則其往可知也 程氏曰濛

濛之時羈旅愁慘

蘇氏曰東征之士皆西人也方其在東

未嘗不曰歸耳而未可以歸故其心念西而悲

毛氏曰我

心西悲公族有辟公親素服不舉樂為之變如其倫之喪

范氏曰征役久則衣

敝制彼裳衣歸士之情也

朱氏曰其在塗也覩物

起興而自歎曰彼蛸蛸者蠋則在桑野矣此敦然而

獨宿者則亦在車下也

程氏曰蠋卷在桑葉中居如士卒之獨處敦然獨處於車

也下
說文蠋作蜀

勿士行枚亦歸士之情也自幸全身而歸聚勿從

事於行陳也所謂叙其情而閔其勞 毛氏曰我

心西悲雖不合經旨然可謂知周公之心矣

我祖東山惓惓不歸我來自東零雨其濛果羸力果反之

實亦施

羊豉反

于宇伊威在室

蟪蛄音所交反

在戶

町他頂反

踵

他短反

鹿場熠

以軌反

耀

以照反

宵行不可畏也伊可懷也

毛氏曰果羸枯樓也

孔氏曰釋草云果羸之實枯樓葉如瓜葉形兩兩相值齊人謂

之天

陳氏曰施延也果羸蔓生延施于宇下長

樂劉氏曰伊威者壁落間小蟲也無人掃則出行于

室蟪蛄者小蜘蛛也無人行則結網當戶

毛氏曰伊威委黍也

蟪蛄長跼也 委於為反跼起宜反 孔氏曰伊戚
名委忝別名鼠婦在壁根下甕底土中生似白魚者
是也長跼小蜘蛛長脚者俗呼為
喜子此蟲來著人衣當有親客至 程氏曰町疃廬

傍畦墾為麋鹿之場也

王氏曰町疃鹿場者町畦村
墾之中無人焉故鹿以為場

也 董氏曰區種法曰伊尹作為區田一畝之中地
長十八丈分十八丈作十五町町間分十四道通人
行墾為田 孔氏曰本草熠燿一名螢火陳思王螢
里所聚

火論曰秋陰沈數雨螢火夜飛之時也故云宵行

朱氏

曰螢火夜飛其光熠燿也 董氏曰熠燿自是一種
蠹蟲也夜行地上如蠶而喉下明如螢故曰宵行

程氏曰我徂東山惓惓不歸我來自東零雨其濛

其在外之久往來而勞每章重言見其感念之深丁
夫于役田事廢室廬遂荒果羸以下是也在彼思念
其如此也 鄭氏曰室中久無人故有此五物是不
足可畏乃可為憂思耳

李氏曰此五物非可畏
但起人懷思之情也

朱

氏曰此則述其歸未至而思家之情也

我徂東山惓惓不歸我來自東零雨其濛

古玩反

鳴于

埵

田節反

婦嘆于室灑掃穹窒我征聿至有敦

徒端反

瓜苦

蒸在栗薪自我不見于今三年

鄭氏曰鵲水鳥也

陸璣草木疏云鵲雀也似鵲而大長頸赤喙白身黑尾翅將陰

雨則鳴

毛氏曰埴螳

魚綺反

塚也將陰雨則穴處先

知之鵲好水長鳴而喜也

孔氏曰螳輦土為塚以避濕將欲陰雨水泉上潤故

螳避濕而上塚鵲是好水之鳥知天將雨故長鳴而喜也

王氏曰埴是丘埴也

鄭氏曰

灑掃埽拚

甫問反

也

類篇曰埽除也

宮室窮塞鼠穴也

程氏曰宮室謂

鼠穴也宮室者室所壅土也

程氏曰有敦圓成之狀爪苦爪之

苦者延蔓累薪之上

朱氏曰栗周土之所宜木

程氏曰有陰雨之候則婦思念其勞而悲嘆

鄭氏曰行者於陰雨

尤苦婦念之
則嘆於室也

又計其行之久念其將至我征事至謂

我之行者其遂至也

王氏曰
聿隨也

念其將至而灑掃復恨

其留繫之久見其思望之情切也瓜之苦者人所不
取常在其所以比君子久留滯不還也自我不見今
三年矣 釋文曰栗韓詩作蓼力菊反衆薪也

婦人掃灑以待夫之至顧見苦瓜繫於栗薪因感
其夫久匏繫於外嘆曰自我不見今三年矣

我徂東山惓惓不歸我來自東零雨其濛倉庚于飛熠

耀其羽之子于歸皇駁

邦角反

其馬親結其縞九十其儀

其新孔嘉其舊如之何

鄭氏曰倉庚仲春而鳴嫁娶之候也耀耀其羽羽鮮

明也歸嫁也

毛氏曰黃白曰皇

孔氏曰謂馬色有黃處有白處馬

白曰駮

孔氏曰謂馬色有駮處有白處駮赤色也

縞婦人之祿

許韋反

也母

戒女施衿

其鵷反

結帨

孔氏曰昏禮言結帨此言結襦則襦當是帨爾雅曰婦人之

祿謂之縞縞紵也注紵繫也

又曰衿謂之祿注衣小帶

帨始銳反祿辭見反

言多儀者

朱氏曰九其儀十其儀言其儀之多也

程氏曰四章言歸

而及時成昏姻之禮人情之所樂也倉庚之羽鮮明
昏之時也嫁女之歸其馬皇駁有文彩也親結其綯
女之親結之九十其儀儀之多也其歸而成親昏且
甚嘉其舊昏相見之歡當如何也朱氏曰此言東征
有家者及時而昏姻既甚善矣其舊
有室家者相見而喜當如何耶

東山四章章十二句

破斧美周公也周大夫以惡四國焉

鄭氏曰惡四國者
惡其流言毀周公

也

程氏曰幽詩七月陳王業鴟鴞遺王東山言東征破
斧伐柯九斨皆刺朝廷不知周公於刺也復有淺深
之異觀詩可見狼跋美不失其聖

既破我斧又缺我斨

七羊反

周公東征四國是皇哀我人

斯亦孔之將

毛氏曰隋登

曲容反

曰斧

說文曰隋登形狹而長也

說文曰斨方

登斧也

朱氏曰四國四方之國從管蔡之亂者

毛氏曰皇匡也將大也

朱氏曰言東征之役既破

我斧而缺我斨其勞甚矣然周公之意蓋將使四方
莫敢不一於正而後已其哀我也豈不大哉然則
雖破斧而缺斨義有所不得辭矣夫管蔡流言以謗
周公而公征之不知者以為公之為是以救其身而
已故為此詩者為之發明其心如此學者於此玩味
而有得焉則正大而天地之情可見矣

蘇氏曰使周公嫌於救其

身潔身而退以避二叔之難則其亂將及於四方如是而周公亦清矣然亦未免於小人也

董

氏曰齊詩作四國是匡賈公彥引以為据

既破我斧又缺我錡

巨宜反

周公東征四國是吪

五戈反哀

我人斯亦孔之嘉

毛氏曰鑿屬曰錡

釋文曰韓詩云錡木屬

吪化也

既破我斧又缺我錡

音求

周公東征四國是道

在羞反

哀我

人斯亦孔之休

毛氏曰木屬曰錡

釋文曰韓詩云錡鑿屬

道固也

鄭氏曰缺也朱氏曰缺

而固之也

范氏曰亦孔之休言四國平而天下和也

董氏曰道集本作拏

破斧三章章四句

伐柯美周公也周大夫刺朝

直達反

廷之不知也

董氏曰朝廷者

人主所與大臣論是非可否之地詩人不斥言成王而曰朝廷所以兼刺也

程氏曰伐柯乃既得罪人之後周公遲留未歸士大夫刺朝廷不知所以還周公之道

觀金縢所載二公之知周公至矣今曰朝廷則二公亦與焉蓋大臣與國同體者也王未悟而事未回國人所當責而二公所當受也

伐柯如何匪斧不克取

七喻反

妻如何匪媒不得

毛氏曰柯斧柄也

朱氏曰克能也

孔氏曰媒通

二姓之言者也

程氏曰伐柯匪斧則不能取妻匪

媒則不成言各有其道今欲周公之歸亦必有其道也

伐柯伐柯其則不遠我覲

古豆反

之子遵豆有踐

賤淺反

鄭氏曰則法也覲見也之子指周公也

爾雅曰竹豆謂之

籩木豆謂之豆

考工記旄人為豆實三而成敵崇大鄭氏曰籩豆其容實皆四升爾雅曰瓦豆謂之登疏

曰瓶人為瓦器而云豆中縣鄭云縣繩正豆之柄是瓦亦名豆也

毛氏曰踐行列貌程氏

曰此章言其道

朱氏曰執柯以伐柯即此手中之柯而

得其法以比王欲迎周公亦不過反之於吾心則知所以迎之之道則我得見公而陳其籩豆之列將有日矣

伐柯二章章四句

九罭

于逼反

美周公也周大夫刺朝廷之不知也

程氏曰周公居東未反士大夫始刺朝廷不知反周公之

道

伐柯是也

既又思之切刺之深責在朝廷之人不速還公也

九罭之魚鱗

才損反

魴

音房

我覲之子衮

古本反

衣繡裳

毛氏曰興也

爾雅曰綬

子美反

罟謂之九罟九罟魚

網也

孫炎曰謂魚之所入有九囊也郭璞曰綬即今之百囊網也

陸氏草木疏

曰鱣似鱣

呼本反

魚而鱣細於鱣赤眼

魴解見敝筍

釋文曰衮衣六冕之第二者也畫為九章天子畫

升龍於衣上公但畫降龍

司服鄭氏注曰九章一曰龍二曰山三曰華蟲四曰

火五曰宗彝皆績於衣六曰藻七曰粉米八曰黼九曰黻皆綉於裳

程氏曰鱣魴魚

之美者施九罟之網則得鱣魴之魚用隆厚之禮則

得聖賢我欲觀之子當用上公禮服往逆之

鴻飛遵渚公歸無所於女信處

鴻解見鴻雁 毛氏曰遵循也 渚解見江有汜

程氏曰此章言公之不得其所也鴻飛戾天者也今

乃遵渚言不得其所公既征而歸則未得其所蓋朝

廷未以師保重禮往逆也使公不得其所於女信安

處矣則深責在朝廷之人也

陳氏曰今公未歸其所於女朝廷之臣信能自

安處乎

鴻飛遵陸公歸不復於女信宿

爾雅曰高平曰陸

程氏曰不復謂未還舊職宿安

息也

陳氏曰宿猶處也

是以有衮衣兮無以我公歸兮無使我心悲兮

程氏曰此章祈反周公誠切之意是以猶所以也朝廷所以有衮衣之章用尊禮聖賢無以以也無以是服逆我公來歸無使士民之心悲思望公也

成王既發金縢悔悟而迎周公其言曰唯朕小子其逆我國家禮亦宜之此正國人之所望於朝廷

者也首章曰我覯之子衮衣繡裳卒章曰是以有
衮衣兮無以我公歸兮所謂禮亦宜之者也乃此
篇之大指也說詩者徒見信宿兩字偶相屬遂以
為過宿曰信之信故其釋二章三章或以為西人語東
人或以為東人有相語而不見國人深望乎上誠懇
切至之意求一字之通而失一篇之旨學者苟能
玩味程氏之說則詩人之心可見矣凡詩之體初
言者本意也再言者協韻也於女信處本意也於

女信宿協韻也

詩亦有初淺後深初緩後急者然大率後章多是協韻

九罍四章一章四句三章章三句

狼跋

蒲末反

美周公也周公攝政遠則四國流言近則王

不知周大夫美其不失其聖也

狼跋其胡載震

丁四反

其尾公孫

音避

碩膚亦舄

音昔

几几

狼解見還

毛氏曰跋躡

力輒反

也

孔氏曰跋前行曰躡

孔氏

曰狼之老者領下垂胡

朱氏曰領下懸肉也

毛氏曰震路

其初

反

也

說文曰路躡也

進則躡其胡退則路其尾進退有難

鄭氏曰周公也

程氏曰遜者避而弗居也

劉氏曰公

孫幽公之孫謂周公也

毛氏曰碩大膚美也

鄭氏屨人注

曰王舄有三等赤舄為上冕服之舄詩云王錫韓侯

玄衮亦舄則諸侯與王同複下曰舄禪下曰屨王

氏曰几人所憑以為安故几几安也

毛氏曰几絢貌絢音舄孔氏曰

謂舄頭飾之貌士冠禮注云絢之言拘以為行戒狀如刀衣鼻在屨頭總縫中紉也朱氏曰安重貌纁

於力反縫扶用反

程氏曰周公攝政居危疑之地雖成王

不知四國流言終不能損其聖德者以其忠誠在於

王家無貪欲之私心也。狼獸之貪者，猛於求欲，故陷於機穽，羅縶前跋，後蹙進退，困險詩人取之以言。夫狼之所以致禍難危，困如是者，以其有貪欲故也。若周公者，至公不私，進退以道，無利欲之蔽，以謙遜自處，不有其尊，不矜其德，故雖在危疑之地，安步舒泰。

赤舄几几然也。

范氏曰：其德脩者，其容亦盛。赤舄几几，則其餘可見矣。夫神龍或潛或飛，

能大能小，其變化不測，然得而蓄之，若夫羊然有欲，故也。唯其可以蓄之者，是以亦得醢而食之。几有欲之類，莫不可制焉。唯聖人無欲，故天地萬物不能易也。富貴貧賤，死生如寒暑晝夜相代，乎前吾豈有心。

手哉亦順受之而已矣舜受堯天下不以為泰孔子
既於陳蔡而不以為戚周公遠則四國流言近則王
不知而赤歸几几德
音不瑕其致一也
董氏曰几几崔靈恩集注作

擊說文一作已已一作擊擊

狼寔其尾載跋其胡公孫碩膚德音不瑕

鄭氏曰不瑕不可疵

才斯反

瑕也

孔氏曰瑕者玉之病疵亦玉病

程

氏曰大舜謂汝惟不矜天下莫與汝爭能汝惟不伐
天下莫與汝爭功使周公有貪欲崇高德名之心其
能得天下之與如是乎惟其處已也夔夔然存恭畏

之心存誠也。蕩蕩然無顧慮之意。所以不失其聖德。
音所以不瑕也。先儒以狼跋蹇不失其猛。與周公不
失其聖。奚若虎豹胡獨取狼也。古之詩人比興以類。
也是以香草譬君子。惡鳥譬小人。豈有以豺狼與聖
人乎。且以上二句言跋言蹇。安有凡凡不瑕之義。但
此詩體與他詩不類。故不通耳。

左傳晏子曰。心平德和。故詩曰德音不瑕。

注心平則德
音無瑕爾

狼跋二章章四句

幽國七篇二十七章二百三句

呂氏家塾讀詩記卷十六